

BIZKAIKO GARBIGUNEEN ARAUDIA

Araudi honen helburua GARBIKER MP, A.B., S.A.-k (hemendik aurrera GARBIKER) kudeatzen dituen garbiguneen zerbitzua arautzea da.

Garbigunea edo gune garbia **etxeko hondakinen gaikako** bilketa-zentro bat da, herritarrek DOAN eskura dutena, birziklatzeko, berrerabiltzeko edo balorizatzeke moduko materialak uzteko.

Hona hemen Bizkaiko Lurralde Historikoko Sareko garbiguneen zerrenda:

Zornotza	Erandio	Mungia
Amoroto	Gautegiz-Arteaga	Muskiz
Bakio	Gernika	Urduña
Barakaldo	Getxo	Santurtzi
Basauri	Gueñes	Sestao
Bermeo	Igorre	Sopela
Derio	Karrantza	Zalla
Durango	Markina	

Horrez gain, garbigune bakoitzaren jardun-eremuko eraginpeko aldea (udalerriak) jaso dugu eranskinean.

1. ATALA. ZERBITZUA ZEHAZTEA

1. artikulua. - Zerbitzuaren xedea.

Zerbitzu honek berrerabiltzeko moduko etxeko hondakinak eta objektuak era egokian kentzeko lana erraztu nahi die erabiltzaileei, helburu hauek lortzeko asmoz:

- Hondakinak kontrolik gabe bota daitezten saihestea.
- Etxean sortutako eta garbigunean onartzeko moduko hondakin arriskutsuak behar bezala kudeatzea.
- Garbigunean utzitako hondakinen ingurumen-kudeaketa zuzena erraztea.
- Balorizatzeke moduko materialak zuzen bereiztea.
- Berrerabiltzeko eta, hala behar denean, zuzenean birziklatzeko utzi diren materialak eta objektuak berreskuratzea.

2. artikulua.- Garbiguneen ustiapeneko arduraduna.

Garbigunearen ustiapena GARBIKER enpresa publikoarena da. Bizkaiko Foru Aldundiaren Iraunkortasuna eta Ingurune Naturala Zaintzeko Sailaren Ingurumen Zuzendaritzara atxikita dago enpresa, horrek garbiguneak kudeatzen baititu, ustiapeneko araudi honetan jasotako aginduen arabera.

3. artikulua.- Garbiguneen erabiltzaileak

Oro har, garbiguneak Bizkaiko udalerrietan hondakinak sortzen dituzten herritarrek erabiltzeko dira.

Horrez gain, hauek izango dira erabiltzaileak:

- Etxeko obra txikietako autonomoak.
- Bizkaiko bulegoak eta saltoki txikiak.

Salbuespen modura, eta kasu bakoitzean finkatutako erabileretarako, hauek izango dira garbiguneen erabiltzaileak:

- Nekazariak, hondakin fitosanitarioak uzteko.
- Araudi honen xedapen gehigarrietan azaldutako erakundeak.

Kasu guztietan, garbiguneak erabiltzeko, ezinbestekoa izango da araudi hau edo GARBIKERren eta Bizkaiko Foru Aldundiaren hondakinak tratatzeko bestelako instalazioen araudiak ez betetzeagatik ezarritako zehapenik ez izatea.

4. artikulua.- Doako zerbitzua.

Garbiguneen xedea diren erabiltzaile-motak eta helburua bera aintzat hartuta, zerbitzua doakoa izango da.

5. artikulua.- Onartzeko moduko hondakinak

Hondakin-mota hauek onartuko dira:

5.1. Oro har onartzeko moduko hondakinak

- ERAIKUNTZAKO ETA ERAISPENENKO HONDAKINAK (obra-hondakinak): adreiluak, hormigoia, baldosak, zeramika, konketak, komunak, etab. (uralita eta fibrozementuzko elementuak kenduta).
- Bestelako ERAIKUNTZAKO ETA ERAISPENENKO HONDAKINAK: zurak (parkea, tarima, markoak...), kristalak, plastikoak, atek, leihoak, etab.

- **ZURA (elementu osoak):** armairuak, aulkiak, kaxak, atepak, oheak, paletak, etab.
- **PLASTIKOAK:** pertsianak, aulkiak, mahaiak, jostailuak, enbalajea, polietilenoazko bidoiak, film-plastikoa, porexa, etab.
- **METALAK ETA TXATARRA:** erradiadoreak, bizikletak, harraskak, antenak, aulkiak, bidoiak, etab.
- **TAMAINA HANDIKOAK (ZUR, PLASTIKO edo METALTZAT onartzeko modukoak ez direnak):** altzariak, lastairak, somierrak, etab.
- **TEEH HANDIAK (Tresna elektriko eta elektronikoen hondakinak):** hozkailuak, garbigailuak, ontzi-garbigailuak, labeak, mikro-uhin labeak, etab.
- **TEEH TXIKIAK (Tresna elektriko eta elektronikoen hondakinak):** DVD erreproduzitzailuak, xurgagailua, bideo-kamerak eta 50 zentimetrotik beherako dimentsioko tresna elektriko eta elektronikoak.
- **PANTAILAK ETA MONITOREAK:** telebistak eta monitore lauak.
- **INFORMATIKAKO ETA TELEKOMUNIKAZIOETAKO EKIPAMENDUAK:** mahai gaineko ordenagailuak eta eramangarriak, tabletak, PDAk, inprimagailuak, eta bestelako periferikoak, telefonoak, mugikorrak, etab.
- **PAPERA ETA KARTOIA:** kartoizko kaxak, enbalajeak, aldizkariak, egunkariak, etab.
- **LOREZAINZA:** inausketa-hondarrak, zuhaixkak, etab.
- **BERRERABILTZeko MODUKO OBJEKTUAK:** BERRERABILTZeko ETXOLETAN, berriz erabiltzeko moduan dauden tresnak utziko dira, adibidez, altzariak (armairuak, mahaiak, aulkiak, etab.), etxetresna elektrikoak (garbigailuak, ontzi-garbigailuak, lehorgailuak, mikrouhin-labeak, etab.), gailu elektriko eta elektroniko txikiak, telebistak, jostailuak, bazarra, liburuak, etab. BASAURI, BARAKALDO, DURANGO, ERANDIO, GERNIKA, GETXO, GUEÑES, IGORRE eta MARKINAKO garbiguneetan (garbigune zentraletan), alde bat egongo da, kontserbazio-egoera eta erabilera direla-eta oraindik berriz erabiltzeko moduan daudelako erabiltzaileek emandako objektuak eta tresnak berrerabiltzeko.
- **HONDAKIN FITOSANITARIOEN EDUKIONTZIAK** biltegitratzeko baldintza bereziak aintzat hartuta, **garbigune hauetan baizik ez dira bilduko:** DERIO, DURANGO, GERNIKA, GUEÑES, IGORRE, KARRANTZA, MARKINA, MUNGIA ETA SANTURTZI.

5.2 Onartzeko moduko hondakinak, soilik etxeakoak:

Edozein garbigunetan:

- Industrialak ez diren ibilgailuen pneumatikoak, hagunetik edo metalezko ataletatik bereizita.
- Sukaldean erabilitako olioak (edukiontzi itxian).
- Automozioan erabilitako olioak (edukiontzi itxian).
- Olio-iragazkiak.
- Metagailuak: autoen bateriak eta metagailuak, oro har.
- Era guztietako pilak.
- Fluoreszenteak.
- Toner-kartutxoak.
- Telefono mugikorrak.
- CDak, DVDak, bideo-zintak eta kaseteak.
- Merkurio-termometroak.
- Plastikozko eta aluminiozko kafe-kapsulak, etab.
- Produktu fotokimikoak (erradiografiak, filmak eta paper fotografikoa, etab.).

Biltegitzeko baldintza bereziak aintzat hartuta, BASAURI, BARAKALDO, DURANGO, ERANDIO, GERNIKA, GETXO, GUEÑES, IGORRE eta MARKINAKO garbiguneetan hauek baizik ez dira bilduko:

- Pinturak, bernizak, disolbatzaileak, kolak, desugertzaileak, agoarras sintetikoa, tindagaiak, zur-babesleak, plastikozko edo metalezko edukiontzi itxian.
- Aerosolak.
- Substantzia arriskutsuek blaitutako xurgatzaileak (trapuak, eskularruak, etab.).

5.3 Bestelako hondakinak

Zerrenda honetan agertzen ez diren bestelako etxeako hondakinak, beren ezaugarriak ikusita garbigune batean uzteko modukoak badira. Hondakin horiek uzteko, aurrez Garbikerren idatzizko baimena lortu beharko da.

Zerrenda honetan, etorkizun hurbilean beharrezkotzat eta egokitzat jotzen diren hondakinak sartu ahal izango dira, Garbikerrek ebazpena egin ondoren; era berean, hondakinak kendu ahal izango dira, biltzeko eta tratatzeko lanak optimizatze beharrezkotzat hartzen bada.

Aldaketaren bat eginez gero, araudi hau behar bezala eguneratu beharko da.

6. artikulua.- Kopuruak eta mugak

3.500 kilo baino gutxiagoko gehienezko pisu baimendua (GPB) duten ibilgailuek soilik utzi ahal izango dute zama.

Hondakinen tratamendu egokia bermatu ahal izan dadin eta herritarrek garbiguneak behar bezala balia ditzaten, baldintza eta muga jakin batzuk ezarri dira zenbait hondakin onargarri biltzeko garaian, ondoren zehaztuko dugun moduan:

- ERAIKUNTZAKO ETA ERAISPENENKO HARRIZKO HONDAKINAK (EEH):

- a) Garbigune bakoitzaren **eraginpeko esparruan** kokatuta dauden udalerrietako EEHak soilik onartuko dira (araudi honetako **eranskinaren** arabera).
- b) Aste bakoitzean, honako hauek onartuko dira: 2,5 m³ ageriko bolumenean edo 1.000 kg lan-lizentzia bakoitzeko (25 kg-ko 40 zakuren baliokidea). Edozein kasutan, lizentzia bakoitzeko garbigunean 6 aldiz sartzeko edota 4.000 kg uzteko aukera egongo da, gehienez.
- c) Kasu bakoitzean, dagokion Udalak emandako obra-lizentziaren kopia bat aurkeztu beharko da, horren identifikazio-zenbakia adierazita.

Lizentziaren iraunaldia: bertan adierazten dena edo, adierazten ez bada, 6 hilabete.

Lizentziarik behar ez duten obra txikiak egin ahal izateko, aldezturik NANA aurkeztuta, norbere eraginpeko esparruko garbigunera 10 hondakin-zaku eramanez ahal izango dira pertsonako/ibilgailuko eta asteko.

Bigarren etxebizitzaren kasuan, egoera hori egiaztatzen duen agiria aurkeztu beharko da (OHZren ordainagiria, alokairu-kontratua edo antzekoa).

- BESTE EEH BATZUK:

- a) Garbigune bakoitzaren **eraginpeko esparruan** kokatuta dauden udalerrietako EEHak soilik onartuko dira (araudi honetako **eranskinaren** arabera).
- b) Aste bakoitzean, honako hauek onartuko dira: 2,5 m³ ageriko bolumenean edo 1.000 kg lan-lizentzia bakoitzeko (25 kg-ko 40 zakuren baliokidea). Edozein kasutan, lizentzia bakoitzeko garbigunean 6 aldiz sartzeko edota 4.000 kg

uzteko aukera egongo da, gehienez.

- c) Unitateen kasuan, 10 ate, 10 leiho, 10 marko, eta abar onar daitezke lizentzia bakoitzeko, eta, gehienez, garbigunean 2 aldiz sartzeko aukera egongo da, lizentzia bakoitzeko.
- d) Kasu bakoitzean, dagokion Udalak emandako obra-lizentziaren kopia bat aurkeztu beharko da, horren identifikazio-zenbakia adierazita.

Lizentziaren iraunaldia: bertan adierazten dena edo, adierazten ez bada, 6 hilabete.

- e) Lizentziarik behar ez duten obra txikiak egin ahal izateko, aldez aurretik NANA edo, bigarren etxebizitzaren kasuan, egiaztagiria aurkeztuta, norbere eraginpeko esparruko garbigunera 10 hondakin-zaku eraman ahal izango dira pertsonako/ibilgailuko eta asteko, edo, unitateen kasuan, 5 ate, 5 leiho, 5 marko eta abar, pertsonako/ibilgailuko eta sei hilabeteko.

- **PNEUMATIKOAK (ibilgailu EZ industrialenak):**

- a) Garbigune bakoitzaren **eraginpeko esparruan** kokatuta dauden udalerrietako pneumatikoak soilik onartuko dira (araudi honetako **eranskinaren** arabera).
- b) Gehienez ere 5 unitate erabiltzaileko urtean. Haguna eta goma bereizita egon beharko dira, bakoitza dagokion edukiontzian uzteko.
- c) Pneumatiko berrien erosketa-faktura aurkeztu beharko da, zaharrak edukiontzian uzteko.

- **AUTOMOZIOAN ERABILITAKO OLIOA (edukiontzi itxian):**

- a) Edozein udalerritako hondakinak onartuko dira, baina aholkatzen da eraginpeko esparruan kokatuta dagoen udalerritari dagokion garbigunea erabiltzea.
- b) Kopuru onargarria 10 litrora mugatuta dago, erabiltzaileko eta hilabeteko.

- **OLIO-IRAGAZKIAK:**

- a) Edozein udalerritako hondakinak onartuko dira, baina aholkatzen da eraginpeko esparruan kokatuta dagoen udalerritari dagokion garbigunea erabiltzea.
- b) Unitate 1, erabiltzaileko eta hilabeteko.

- **ETXEKO HONDAKIN ARRISKUTSUAK:**

- a) BASAURI, BARAKALDO, DURANGO, ERANDIO, GERNIKA, GETXO, GUEÑES, IGORRE eta MARKINAKO garbiguneetan baizik ez dira bilduko.
- b) Erabiltzaile bakoitzari hilean gehienez 10 kg-ko 5 edukiontzi onartuko zaizkio., honakoak kontuan hartuta, guztira:
 - Pinturak, bernizak, disolbatzaileak, kolak, desugertzaileak, agoarras sintetikoa, tindagaiak, zur-babesleak, plastikozko edo metalezko edukiontzi itxian.
 - Aerosolak.

Muga horiek gainditzen duen edozein deskargatarako, edo bere bolumen edo tipologiagatik ezohikoa denean, Garbikerren aurretiazko baimena beharko da, idatziz.

7. artikulua.- Onartzen ez diren hondakinak.

Hurrengo zerrendan, onartzen ez diren hondakinak agertzen dira. Zerrendak orientatzeko xedea du; ez da zehatza hondakinak identifikatzeko.

- EHUNAK: berrerabiltzeko edukiontzien bidez bildutakoak, kalean bertan.
- Farmazietako hondakinak, sendagaiak edo erabilera terapeutikoko produktuak farmazietan utzi daitezke.
- Etxeko hondakin organikoak.
- Nekazaritzako eta abeltzaintzako hondakinak.
- Hildako animaliak eta animalien hondakinak, gizakiaren kontsumorako ez diren animalia-azpiproduktuei ezarri ahal zaizkien osasun-arauak finkatzen dituen 1774/2002 EB Erregelamenduak eta bestelako arau bereziek arautzen dituztenak.
- Onartzeko moduko hondakinen zerrendan ez dauden beste hondakin likidoak edo likatsuak.
- Hondakin infekziosoak.
- Ospitaleetako hondakinak.
- FIBROZEMENTUA (uralita).
- Butano-, oxigeno- edo kanpin-bonbonak.
- ERREGAIKAK: etxeko estufetakoa, gasolina, etab.

- Isuriz gero, leherkorrak, korrosiboak, oxidatzaileak, oso sukoiak edo sukoiak izan daitezkeen hondakinak.
- Intsektizidak eta parasitoen kontrakoak.
- Hondakin erradioaktiboak edo meatzaritzakoak.
- Bidea garbitzean, aisiarako eremuetan eta hondartzetan sortutako hondakinak.
- Identifikatu gabeko edo anbiguotasunez identifikatutako hondakinak.

Aurrekoen antzekotzat jo daitezkeen eta/edo GARBIKERrek onartezintzat jotzen dituen bestelako hondakinak.

8. artikulua.- Garbiguneetan utzitako hondakinak kudeatzea

8.1. Hondakinak

Indarrean dagoen araudia betez eta garbiguneetan utzitako hondakin guztien ingurumeneko trazabilitate egokia bermatzeko, GARBIKER tratatutako hondakin bakoitzak –arriskutsua izan zein ez izan– duen baimendutako kudeatzaile bereziekin koordinatuko da.

Debekatuta dago garbiguneetan ondorio horretarako jarritako edukiontzietatik hondakinetara sartzea eta objektuak kentzea.

Hala ere, salbuespen gisa, GARBIKERren idatzizko baimen motibatua izanez gero, haietara sartu ahal izango da.

8.2 Berrerabiltzeko helburuak

Koopera Ingurumenarekin zerbitzu osoa egiteko sinatutako kontratuaren arabera egiten da kudeaketa. Zerbitzuaren bidez, Bizkaiko Lurralde Historikoan sortutako etxeko hondakinak berriz erabiltzeko prestatu behar dira.

Erabiltzaileak ezin dira berrerabiltzeko etxoletako objektuetara sartu, ez eta objektuak kendu ere.

Hala ere, salbuespen gida, GARBIKERren idatzizko baimen motibatua izanez gero, berrerabiltzeko etxoletako objektuak jaso ahal izango dira.

2. ATALA. ZERBITZUA EGITEKO MODUA

9. artikulua.- Jendearen arretarako ordutegia.

BASAURI, BARAKALDO, DURANGO, ERANDIO, GERNIKA, GETXO, GUEÑES, IGORRE eta MARKINAKO garbiguneak

- Astelehenetik larunbatera: 09:00etatik 13:25era eta 15:30etik 18:00era.
- Igandeetan: 09:00etatik 15:00era.

Gainerako garbiguneak:

- Astelehenetik ostiralera: 09:00etatik 13:25era eta 15:30etik 18:00etara.
- Larunbatetan: 09:00etatik 13:25era.

Finkatutako ordutegitik kanpo, ezin da garbiguneetan sartu, GARBIKERrek aurrez baimendutako salbuespeneko egoeretan izan ezik.

10. artikulua.- Sarbidearen kontrola.

Garbigunera sartzeko baimena GARBIKERrek horretarako izendatutako langileak eman beharko du (garbigune bakoitzeko langileak).

Garbiguneko zerbitzua erabili aurretik, garbigunearen arduradunak identifikatzeko eta/edo dagozkion egiaztagiriak aurkezteko eskatu ahal izango du.

Horrez gain, garbigunean utzi beharreko elementu guztiak ikuskatu ahal izango ditu.

Garbiguneen sarreran, informazio-taula bat jarriko da, honekin:

- Instalazioaren izena, helbidea eta jabea den entitate publikoa
- Ustiatzen duen erakundearen izena
- Garbigunearen ordutegia
- Onartutako hondakinak
- Harremanetarako telefonoa

Baimenik ez duten pertsonak galarazita dute garbiguneetara sartzea, eta, eginez gero, zehapena jarri ahal izango zaie. Instalazioak behar bezala erabiltzen ez dituzten pertsonak instalazioetatik joateko eskatu ahal izango zaie. Jokabide desegoki horiek errepikatuz gero, garbigunera sartzeko baimena ukatu ahal izango da.

Garbiguneetara sartzen diren kanpoko pertsonak zehatz-mehatz bete beharko dituzte garbiguneko ustiapenaren arduradunak emandako argibideak.

Garbiguneetara sartutako bisitek bertako langile kualifikatuekin batera joan beharko dute.

11. artikulua.- Emateko prozesuaren kontrola. Zaintza.

Garbiguneko langileak autoritate aski du araudi honetan sartuta ez dagoen edozein hondakin onartzeko edo baztertzeko.

Langile horrek eginkizun hauek beteko ditu erabiltzaileekin:

1. Erabiltzailea, utzitako hondakin-kopurua, jatorria eta tipologia identifikatzea.
2. Erabiltzaileari aholkuak ematea hondakinak uztean.
3. Onargarriak ez diren materialak uztea debekatzea.
4. Erabiltzaileen eta materialen onarpen eta sarrerako erregistroa egitea.
5. Baimenik ez duten pertsonak hondakinak ken edo bila ditzaten saihestea.
6. Obra txikiak ez direnean, dagokion udalaren obra-lizentziaren kopia eskatzea.
7. Berrerabiltzeko etxoletako hondakinei lehentasuna ematea, horrelakoak dituzten garbiguneetan (BASAURI, BARAKALDO, DURANGO, ERANDIO, GERNIKA, GETXO, GUEÑES, IGORRE eta MARKINA).

12. artikulua.- Erabiltzailearen erantzukizunak eta betebeharrak

- Erabiltzaileak une oro bete beharko ditu garbigunearen arduradunak emandako argibideak.
- Adin txikikoekin esparrura sartzeko, haien ardura duen erabiltzaileak garbiguneko arauak betearazi beharko die, batez ere segurtasunari eta istripuen prebentzioko neurriei buruzkoak.
- Ezin izango da animaliekin esparrura sartu; hala ere, animaliak une oro ibilgailuen barruan badaude, sartu ahal izango dira. Inguruabar horiek behar bezala betetzeko ardura izango du erabiltzaileak.
- Eskatutako informazioa emango die langileei, zerbitzua ondo egiteko (hondakinaren jatorria, mota, gutxi gorabeherako kopurua, identifikazio-datuak, etab.).

- Materialak haien izaeraren arabera esleitutako edukiontzietan jarriko ditu, txukun.
- Hondakinak deskargatzeko, ahalik eta eragozpen gutxien sortuko du, batez ere zarata aldetik.
- Hondakinak utzi ondoren, hala behar bada, alde hori garbituko du.
- Behar bezala mugituko da, abiadura egokian, une oro sarbidea libre utzita, eta baimendutako batez besteko pisua 3.500 kg-tik beherakoa duten ibilgailuetan.
- Araudi honetan hondakinak biltzeari buruz finkatutako mugak errespetatu beharko ditu.

3. ATALA. ARAU-HAUSTEAK ETA ZEHAPENAK

14. artikulua. - Arau-haustek

Araudi honetan erregulatuta dauden gaien inguruan, administrazio-mailako arau-haustek dira hemen jasotako edukia osatzen duten arauen aurka jotzen duten ekintzak edo ez egiteak.

Arau-hauste oso larriak dira honako hauek:

- Garbiguneko langile arduradunei eraso egitea edota begirunerik gabe zuzentzea.
- Ekipamendu edo instalazioetan nahita kalteak eragitea.
- Zerbitzuaren ardura duten langileen oharren aurka jotzea.
- Langile arduradunen baimenik gabe garbiguneetako hondakinak jasotzea.

Arau-hauste larriak:

- Hondakinen ezaugarriei, kopuruari edo jatorriari buruz eskatutako informazioa emateari uko egitea.
- Era desegokian bildutako hondakinak jasotzeari eta garbitzeari uko egitea.
- Hondakin ez onargarriak uztea edo hondakinak nahastea.
- Hondakinak garbigune ondoko kanpoaldean uztea, irekiera-ordutegi barruan edo kanpoan.

Arau-hauste arinak:

- Hondakinak beren edukiontzietan edo dagokien lekuetan ez uztea.
- Araudi honetan finkatuta dagoena hausten duen beste edozein arau-hauste edo ez-egite.

15. artikulua.- Zehapenak

GARBIKERrek horretarako izendatutako barne organoak izango du arau-hausteez eragindako zigorra ezartzeko gaitasuna.

Aurreko artikuluan jasota dauden arau-hausteetako bakoitza zigortu ahal izango da, ondorengo eskala aintzat hartuta:

- Arau-hauste oso larriak. Garbiguneko zerbitzua erabiltzeko 24 hilabeteko debekua.
- Arau-hauste larriak. Garbiguneko zerbitzua erabiltzeko 3 hilabeteko debekua.
- Arau-hauste arinak. Ohartarazpena.

Zehapen horiek ezartzeko garaian, aintzat hartuko dira ondorengo hauek: asmo txarrez jardun izana edo ez, errepikatu izana edo ez, eta eragindako kalteen ezaugarriak.

Zigor horiek jasotzeaz gain, arau-hausleak kaltea jasandako gauzak jatorrizko egoerara itzularazi beharko ditu, eta haren arau-hausteez eragindako kalte-ordainak ordaindu, GARBIKERreko zerbitzu teknikoek eta juridikoek haien ebaluazioa egin ostean.

Berrezartzeko eginkizunak bete ezean, arau-hauslearen kontura ekingo zaio betearazte subsidiarioa gauzatzeari, kostuak hark ordainduta.

Zigortzeko prozeduraren arabera, kasuari dagokion espedienteari hasiera eman, eta izapideak egin beharko dira.

Araudi honetan aurreikusitako edozein zigor ezarri izanak ez dio zigortuari inolako salbuespenik ekarriko erantzukizun zibil edo penalari dagozkion arloetan hark egin ahal dituen ekintzetan.

XEDAPEN GEHIGARRIAK

Lehen xedapen gehigarria. Tokiko administrazioa.

Bizkaiko tokiko erakundeek, haien entitateek eta erakunde autonomoek eskura izango dituzte garbiguneak ematen dituen zerbitzuak, aldeztu aurretik baimena eskatuta, GARBIKERrek erabakitakoaren arabera. Baimen hori aldi behingoa izango da, eta garatu beharreko ekintzari lotuta egongo da. Baimen horretan, kasu bakoitzean onartutako zerbitzua zehaztu beharko da.

Halaber, GARBIKERekin adostutako lankidetzaz hitzarmenen bidez, tokiko erakundeek instalazioak erabili ahal izango dituzte hondakinak gutxitzeko eta haien trataera hobeto kudeatzeko balio duten jardueretarako. Hitzarmen horretan, tokiko erakunde bakoitzak onartutako zerbitzua zehaztu beharko da. Elkarren artean bateraezinak diren eskaera bat baino gehiago izanez gero, lehentasuna izango dute garbigunea eraikitzeke lurrag laga zituzten udalek.

Bigarren xedapen gehigarria. Bestelako lankidetzaz-akordioak

Era berean, GARBIKERrek lankidetzaz-hitzarmenak egin ahal izango ditu Bizkaian lan egiten duten beste erakunde publiko edo pribatu batzuekin, betiere, baldin eta:

- Hitzarmen horiek ez badute eraginik garbiguneek herritar partikularrei lehentasunez eman beharreko zerbitzuan.
- Hitzarmen horien bidez onura jaso duen erakundearen antzeko beste batzuk diskriminatzen ez badira.

ERANSKINA. GARBIGUNEEN ERAGINPEKO EREMUA

Jarraian, garbigune bakoitzak duen **eraginpeko eremua** osatzen duten udalerriak jarri ditugu, araudi honetan jasotako hondakinetako batzuk onartzeko mugen ondorioetarako.

AMOREBIETAKO GARBIGUNEA

Eraginpeko udalerriak: Amorebieta-Etxano

AMOROTOKO GARBIGUNEA

Eraginpeko udalerriak: Amoroto, Berriatua, Gizaburuaga, Ispaster, Lekeitio eta Mendexa

BAKIOKO GARBIGUNEA

Eraginpeko udalerriak: Bakio, Lemoiz

BARAKALDOKO GARBIGUNEA

Eraginpeko udalerriak: Barakaldo eta Alonsotegi

BASAURIKO GARBIGUNEA

Eraginpeko udalerriak: Basauri, Arakaldo, Arrankudiaga, Arrigorriaga, Etxebarri, Galdakao, Ugao-Miraballes, Zeberio, Zaratamo

BERMEOKO GARBIGUNEA

Eraginpeko udalerriak: Bermeo, Busturia, Mundaka, Sukarrieta

DERIOKO GARBIGUNEA

Eraginpeko udalerriak: Derio, Larrabetzu, Lezama, Loiu, Sondika, Zamudio

DURANGOKO GARBIGUNEA

Eraginpeko udalerriak: Durango, Abadiño, Atxondo, Berriz, Elorrio, Ermua, Garai, Iurreta, Izurtza, Mallabia, Mañaria, Otxandio, Zaldibar

ERANDIOKO GARBIGUNEA

Eraginpeko udalerriak: Erandio, Leioa

GAUTEGIZ ARTEAGAKO GARBIGUNEA

Eraginpeko udalerriak: Gautegiz Arteaga, Ea, Elantxobe, Ereño, Ibarrangelu, Kortezubi, Nabarniz

GERNIKAKO GARBIGUNEA

Eraginpeko udalerrriak: Gernika, Ajangiz, Arratzu, Errigoiti, Forua, Mendata, Morga, Murueta, Muxika

GETXOKO GARBIGUNEA

Eraginpeko udalerrriak: Getxo, Berango

GUEÑESKO GARBIGUNEA

Eraginpeko udalerrriak: Gueñes, Galdames, Gordexola

IGORREKO GARBIGUNEA

Eraginpeko udalerrriak: Igorre, Arantzazu, Areatza, Artea, Bedia, Dima, Lemoa, Ubide, Zeanuri

KARRANTZAKO GARBIGUNEA

Eraginpeko udalerrriak: Karrantza Harana/Valle de Carranza, Lanestosa

MARKINAKO GARBIGUNEA

Eraginpeko udalerrriak: Markina-Xemein, Aulesti, Etxebarria, Munitibar-Arbatzegi, Ondarroa, Ziortza-Bolibar, Berriatua

MUNGIAKO GARBIGUNEA

Eraginpeko udalerrriak: Mungia, Arrieta, Fruiz, Gamiz-Fika, Gatika, Laukiz, Lemoiz, Maruri-Jatabe, Meñaka

MUSKIZKO GARBIGUNEA

Eraginpeko udalerrriak: Muskiz, Abanto Zierbena eta Zierbena

URDUÑAKO GARBIGUNEA

Eraginpeko udalerrriak: Urduña/Orduña, Orozko

SANTURTZIKO GARBIGUNEA

Eraginpeko udalerrriak: Santurtzi, Portugalete, Ortuella

SESTAOKO GARBIGUNEA

Eraginpeko udalerrriak: Sestao, Valle de Trapaga/Trapagaran

SOPELAKO GARBIGUNEA

Eraginpeko udalerrak: Sopela, Barrika, Berango, Gorniz, Plentzia, Urduliz

ZALLAKO GARBIGUNEA

Eraginpeko udalerrak: Zalla, Artzentales, Balmaseda, Sopuerta, Trucios-Turtzioz